

Flimserstein Raceteam: entschatta fulminanta

Otg plazs da final per il Migros Grand Prix a Savognin e cuorsas da success a Sursaissa e Flumserberg: Quei ei la bilanza dalla davosa fin d'jamna per la gruppa G+S da Flimserstein Race.

Il vendergis e la sonda ein treis da nos atlets se-participai allas cuorsas interregio a Flumserberg. *Claire Schmid* ei vegnida il vendergis otgavla e la sonda ha ella terminau las cuorsas culs plazs 12 e 13. *Linnea Bojie* e *Nico Inauen* ein seclassai minatgmai sils plaz 28 e 35 resp. 15., 22. e 26avel.

Las concurrenzas «Züri Leu» a Sursaissa ein stadas la sonda e la dumengia da relaziuns fetg freidas. Ils giuvens atlets han giu d'absolver la sonda in slalom gigant e la dumengia in slalom. Tier las mattatschas pintgas ha *Gada Camathias* contonschiu il bien tschunavel plaz. Tier las mattatschas U11 ein *Mea Feltscher* e *Nina Cathomen* seclassadas sils plazs 6 e 7. Nies atlet *Severin Huber* mereta in «bravo», pertgei el ha gudignau il slalom gigant ella categoria. *Norina Bruhin* ei vegnida quarta, ton el slalom gigant la sonda sco la dumengia el slalom. Cun *Jan Killer* sco siatavel e *Gianin Bruhin* sco otgavel han dus ulteriurs atlets dil Crap da Flem dumignau ella gruppa dils emprems diesch. La dumengia ei stau a Savognin l'emprema cuorsa da qualificaziun pil final dil Migros Grand Prix. Cun buca meins che otg plazs da final ein ils atlets dil Flimserstein Raceteam turnai a casa a Flem. Cheu ina survesta dalla rangaziun da quella cuorsa da qualificaziun:

1. rang *Gada Camathias*, annada 2014; 4. rang *Sylvie Tschuor*, annada 2012; 2. rang *Mea Feltscher*, annada 2011; 4. rang *Nayla Blumenthal*, annada 2010; 1. rang *Julien Landolt*, annada 2009; 3. rang *Cla Feltscher*, annada 2009; 1. rang *Nico Inauen*, annada 2008; 1. rang *Linnea Bojie*, annada 2007. Cordiala gratulaziun a tuttas atletas e tuts atlets – e vinavon cun schi bien slontsch.

Squadra Flimserstein Race Team



La gruppa dil Flimserstein Race Team cun atletas ed atlets ch'ein sequalificau pil final dil Migros Grand Prix.